

第一一三冊

方輿彙編

職方典

(卷)

永寧宣撫司部 九姓長官司部

平茶洞長官司部 酉陽宣

撫司部 宣

石柱宣撫司部 邑梅洞長官司

部 地壩副長官司部 四川

諸嶽部 宣

江南總部 宣

江寧府部 宣

古今圖書集成

中華書局影印

欽定古今圖書集成方輿彙編職方典

第六百四十七卷目錄

永寧宣撫司部彙考

永寧宣撫司建置沿革考

永寧宣撫司疆域考

永寧宣撫司星野考

永寧宣撫司山川考

永寧宣撫司關梁考

永寧宣撫司公署考

永寧宣撫司學校考

永寧宣撫司風俗考

永寧宣撫司祠廟考

永寧宣撫司驛遞考

永寧宣撫司兵制考

永寧宣撫司物產考

永寧宣撫司古蹟考

九姓長官司部彙考

九姓長官司建置沿革考

九姓長官司山川考

九姓長官司學校考

九姓長官司祠廟考

平茶洞長官司部彙考

平茶洞長官司建置沿革考

平茶洞長官司疆域考

平茶洞長官司星野考

平茶洞長官司山川考

古今圖書集成

平茶洞長官司公署考

平茶洞長官司賦役考

平茶洞長官司風俗考

平茶洞長官司祠廟考

平茶洞長官司物產考

西陽宣撫司部彙考

西陽宣撫司建置沿革考

西陽宣撫司疆域考

西陽宣撫司山川考

西陽宣撫司城池考

西陽宣撫司公署考

西陽宣撫司學校考

西陽宣撫司田賦考

西陽宣撫司風俗考

西陽宣撫司祠廟考

西陽宣撫司物產考

西陽宣撫司古蹟考

職方典第六百四十七卷

永寧宣撫司部彙考

永寧宣撫司建置沿革考

禹貢梁州之域周秦爲蜀郡地漢屬益州晉置

永寧縣屬雲南郡宋及周隋因之唐改置蘭州

宋華州爲江安合江二縣之境後設永寧路遷

至馬口崖魚槽溪側元因之後改騰川縣隸四

川行省尋改軍民宣撫司明王珍改設永寧鎮

邊都元帥府仍設宣撫司明洪武中改永寧長

官司制筠連入叙州後仍陞宣撫司隸四川布

政司屬川南領長官司一編戶七里天啓初土

官奢寅叛討平之改土設同知一員隸叙州

皇清因之編戶九里

總志

永寧宣撫司疆域考

東至播州宣慰司界三百五十里

西至戎縣界二百里

南至芒部軍民府界四百里

北至合江縣界一百六十里

東西廣四百五十里南北袤五百六十里自司

治至省城八百五十里至

京師八千七百八十里

形勝附

環城皆山疊翠如屏紅崖鎮北漁溪橫南上通

雲南北連川廣水陸交通分界於此

第一一三冊 之一 葉

方輿彙編職方典第六百四十七卷永寧宣撫司部

總志

總志

總志

總志

總志

總志

總志

永寧宣撫司星野考
天文井鬼分野
明一統志

永寧宣撫司山川考
總志

土保山 在司城內昔有夷人土保居此因名

西珠山 在司城內西南山形圓瑩如珠故名

海漫山 按明一統志在城北延袤八十餘里如海水之汗漫

青龍山 按明一統志在城南二里形如青龍俗因呼之

紅崖山 按明一統志在城東北一十里山多赤石

木案山 按明一統志在城東南五十里上有林木下平如案

烏降山 按明一統志在城西北五十五里

疋絹山 按明一統志在城西北六十里山頂瀑布飛流宛若疋絹因以名山

雪山 按明一統志在赤水衛北二十里高峻巖巖幽陰莫測方冬積雪春盡始消

水東河 按明一統志源出落郎連山澗流經司城南一十里下流會江門峽

赤水河 按明一統志源出芒部界水腦洞流經司城東南一百四十里下經赤水衛
通江溪 按明一統志源出貴州界流經九姓長官司南十五里名落卜姑溪下流會江門峽
靈漱泉 按明一統志在城西五十里有山洞深二丈許泉水四時不竭禱雨即應
天生池 按明一統志在城西北六十里四面山繞水積於中不假穿鑿故名
金鵝池 按明一統志在長官司西南五十里昔有天鵝羽如黃金遊內至暮飛去因名

永寧宣撫司關梁考
總志

魚浮關 在司城東三里洪武四年建

雪山關 在司城東南一百二十里按前圖所載止有此關

赤水河關 在司城東一百五十里以上二關隸赤水衛舊有戍守

永福橋 在長官司北一十五里

上橋 在司城內東南隅

下橋 在司城內西北隅

通濟橋 在司城東南一里

永寧宣撫司公署考
總志

整飭敘瀘道治 在城東北

鎮守永寧總兵治 在城內

鎮標左營中軍遊擊治 鎮標右營遊擊治

永寧衛治 永寧道治

管糧廳治 川貴叅將治

大壩守備治 龍昌壩守備治

永安驛 江門驛

大州驛 摩泥驛

普右所 俱未詳所在

永寧宣撫司學校考

總志

永寧司儒學 初爲宣撫司學明萬曆中改永寧衛學屬黔中

皇清巡道楊應魁申請巡撫張德地改屬敘永按明

一統志元至元間建

赤水衛學 按明一統志在衛治西北正統五年建

永寧宣撫司風俗考

總志

刻木爲信泉居善寨不事商賈惟務農業今則稍異近內郡矣其民稱淳

習俗鄙陋性格野朴

永寧宣撫司祠廟考

總志

文昌祠 在治西

關王廟 按明一統志在城內之北

五龍廟 按明一統志在城西門外小山上二

廟俱明洪武中建

寺觀附

萬壽寺 在治西

永福寺 按明一統志在治北三里明洪武三

十一年建

玉皇觀 在治東

梓潼觀 按明一統志在城西門外明洪武十

八年建

三清觀 按明一統志在東南二里明洪武二

十八年建

永寧宣撫司驛遞考

總志

永安驛 在司東

江門驛 去司二十里

大州驛 在司東南

永寧宣撫司兵制考

總志

鎮守永寧總兵一員 今改設副將

鎮標左營管中軍遊擊一員

中軍守備一員 右營遊擊一員

中軍守備一員

永寧宣撫司物產考

明一統志

茶 梅 柑

葛 思木 苦竹

馬 猿

永寧宣撫司古蹟考

總志

舊蘭州 在治東一百里唐元和初置

米利城 在治北八十里有田繞米穀無水旱

憂

舊永寧路 按明一統志在西北八十里漁漕

溪岸元路治此

陵墓附

仙婆墓 在烏降山下銅鼓溪岸相傳昔有阿

婆滿道者修道有功能知吉凶事卒葬於此

九姓長官司部彙考

九姓長官司建置沿革考

總志

唐蠻葬地宋蠻葬地元立彝民羅黨九人爲總把至元初改爲九姓羅氏黨蠻葬長官司十戶明改九姓長官司屬永寧宣撫司天啓間土官奢寅叛討平之改屬瀘州編戶五里皇清因之編戶六里

九姓長官司山川考

總志

中和山 在司治天將晴朝霞先透欲雨則山嵐迷空乃司學發源之主山
古硎巖 上有聯珠三硎景堪遊覽
東巖天池 山巔天生一池水潏不盈旱乾不涸故名
龍女灣 隆冬魚躍小民常獲鮮鱗

九姓長官司學校考

總志

司儒學 在治西南明洪武初僉事何英建

九姓長官司祠廟考

祠廟未載

總志

寺觀附
末福寺 在治北一里
三清觀 在治西

平茶洞長官司部彙考

平茶洞長官司建置沿革考

總志

禹貢荆梁二州之界戰國楚爲黔中地秦屬黔中郡漢屬武陵郡三國吳爲黔陽縣地後周屬奉州隋屬巴東郡唐武德初屬思州天寶間屬寧彝郡五代時陷於番宋政和間得其地置平茶洞元初改洛江芝子平茶等處長官司隸思州安撫司明洪武初改平茶洞長官司隸西陽宣撫司十七年改隸四川布政使司屬川南道皇清因之

平茶洞長官司疆域考

東至石耶洞長官司界一十里

總志

西至貴州烏羅長官司界二十里
南至銅仁府界一百里
北至西陽宣撫司界五十里
自司治至省城一千三百五十里至京師八千六百六十里
東西廣三十里南北袤一百五十里
形勝附
以酉陽爲藩籬石耶爲襟帶路通荆楚

平茶洞長官司星野考

總志

天文軫分野

平茶洞長官司山川考

總志

岑仰山 在治西

團山 在治西山勢團聳特出衆山

高秀山 在治北屹立千丈丹崖翠壁秀色如畫

百歲山 在治西二十里高聳插天冬有積雪

幔頂歲則豐稔

諸葛洞 在治南相傳武侯征九溪蠻獠嘗宿洞中設一牀懸粟一握以秣馬後化為石牀石

粟至今尚存按明一統志石崖屹立傍有石洞數丈

哨溪 在治東南發源百歲山水流激石有聲如哨

滿溪 在治西南十里源出百歲山

龍潭 在治西兩傍山崖陡峻潭水深而莫測有龍潛焉

濟渴井 在治北其水清甘行者汲之以濟渴

龍泉 在治北石洞中昔有龍出於此水清堂不竭

平茶洞長官司關梁考

總志

迎恩橋 在治東北跨小溪

通蜀橋 在治南跨小溪路通於蜀因名

平茶洞長官司公署考

總志

平茶洞長官司治 明洪武間楊再勝勦建司隸四川布政司

平茶洞長官司祠廟考

明一統志

祠廟未載

崇興寺 在司治東正統十二年建

平茶洞長官司物產考

總志

土降香 黃蠟 花斑竹

斑竹 楠木 樟木 俱本司出

糧銀一百兩

平茶洞長官司賦役考

總志

平茶洞長官司風俗考

總志

言語侏儻性好捕獵火炕焙穀野麻織布巫禱治病歌唱送殯號曰南客古爲難治按明一統志火炕焙穀而給木浪槽之春野麻織布而製花斑色之服

平茶洞長官司祠廟考

明一統志

祠廟未載

崇興寺 在司治東正統十二年建

平茶洞長官司物產考

總志

酉陽宣撫司部彙考

酉陽宣撫司建置沿革考

總志

本司

禹貢梁州之域春秋為楚地秦昭王取之屬黔中郡漢以酉陽縣地置武陵郡尋置牂牁郡吳分置黔陽郡隋以縣屬巴東郡唐武德初徙縣治葵川貞觀初改思州天寶間改軍彝郡五代地陷於番宋政和間於葵川縣置思州領縣三酉陽隸焉後陞為州元因之明王珍僭據以酉陽州為沿邊溪洞軍民宣慰使司明仍為酉陽州洪武七年陞酉陽宣撫司隸四川布政司屬川東領石耶洞長官司永樂十六年改隸重慶府

皇清因之

石耶洞長官司建置沿革未載無考

酉陽宣撫司疆域考

總志

本司

東至保靖軍民宣慰使司界三百里
西至彭水縣界二百里
南至平茶洞長官司界三百里
北至大田軍民千戶所界四百里
自司治至省城二千里至
京師五千九百五十里
東西廣六百里南北袤七百里

石耶洞長官司疆域未載無考

形勝附

本司

東接保靖西抵彭沱當思南之要衝接荆湘之邊境

石耶長官司

鎮蠻洞而帶五溪連黔彭而接荆楚

酉陽宣撫司山川考

總志

本司

西陽山 在治西一百八十里酉陽黔江以此為界

火山 在治東三十里其山高聳日射返照其色如火

唐店山 在治東一百二十里有唐姓者居此因名

龍山 在治東一里山傍有龍家寨

何家山 在治南一百里山多古木奇石有土人何姓者居此

三江山 在治東南九十里源出酉陽山與二

小溪會合平茶南溪東注辰州大江因名

小西山 在治北二里西向高三里荒山無路

志載龍標界即王昌齡謫處也

楠溪 在治西二百里其溪清淺傍有楠木

疊溪 在治前源出邑梅洞漫流東注辰州大江

石耶洞長官司

隘山 在司治北二里前代於此把隘

巴慣山 在治南一里山崖多板石土人呼板石為巴慣

酉陽宣撫司城池考

府志

本司城池未載

石耶洞長官司城池 土城高八尺周二里倚山為門四東西南北

酉陽宣撫司公署考

總志

本司

酉陽司治 東向明洪武初冉如彪建

經歷司 在司治東

公館 在司治東明景泰初冉廷輔建

石耶洞長官司治 向東明永樂初長官司楊光勝建

酉陽宣撫司學校考

總志

本司

酉陽司儒學 在司治東明永樂初宣撫冉興邦建

皇清康熙二十一年酉陽宣慰使冉永沛捐資重建

石耶洞長官司儒學未載無考

酉陽宣撫司田賦考

總志

本司

原額秋糧六百五十六石一斗三升拋荒秋糧

一百八十六石八斗三升今

見在熟糧四百六十九石三斗每斗折銀四分

見折徵糧銀一百八十七兩七錢二分

石耶洞長官司

原額秋糧八十八石內除養廉秋糧八石拋荒

秋糧五十八石五升今

見在熟糧二十一石九斗五升每斗折銀四分

見折徵糧銀八兩七錢八分

酉陽宣撫司風俗考

總志

本司

人分三種仡佬冉家南客賤則捕獵山林寒則散處巖穴借貸以刻木爲契講婚則累世爲親古號難治今被華風

石耶洞長官司

織斑布以爲衣佩長刀而捕獵教化漸入風俗

漸易

酉陽宣撫司祠廟考

總志

本司

風雲雷雨山川壇 在治南

社稷壇 在治北

厲壇 在治東北

城隍廟 在治南

土地廟 在治南一里

寺觀附

觀音寺 去治里許

崇聖寺 在治東

文昌宮 在治左

石耶洞長官司祠廟未載無考

酉陽宣撫司物產考

總志

本司

花斑布

降香

蠟

石耶洞長官司

野豬

酉陽宣撫司古蹟考

總志

本司

蠻洞舊司 在司治東南二百五十里昔有通

達等處五路蠻洞長官司今通達寨即故址

胡子崖 在司治北一百里巖下路通司治行

者過之如渴欲飲四顧無水高聲呼曰婆婆齋

水來吃初呼一聲巖下水滴一點再呼滴數點

至呼三五聲其水如壺中傾下注於巖下之石

盤中量定數人飲足即止至今如常

去思堂 在司治門外太守陳立有惠愛於民

去後民思之因建此堂

巴江亭 舊志云在邛水縣界太守陳立建以

望巴江之景

石耶洞長官司

蜜羅那巖 在司治南一里巖石陡峻中有洞

空闊常有泉流其中世傳昔有道人修煉於此

作石餅餌獻之好事者至巖內則見熱麵持出

巖外乃石也

欽定古今圖書集成方輿彙編職方典

第六百四十八卷目錄

石柱宣撫司部彙考

石柱宣撫司建置沿革考

石柱宣撫司疆域考

石柱宣撫司山川考

石柱宣撫司公署考

石柱宣撫司田賦考

石柱宣撫司風俗考

石柱宣撫司祠廟考

石柱宣撫司物產考

石柱宣撫司古蹟考

邑梅洞長官司部彙考

邑梅洞長官司建置沿革考

邑梅洞長官司疆域考

邑梅洞長官司山川考

邑梅洞長官司公署考

邑梅洞長官司田賦考

邑梅洞長官司風俗考

邑梅洞長官司祠廟考

邑梅洞長官司物產考

邑梅洞長官司古蹟考

地壩副長官司部彙考

地壩副長官司田賦考

四川諸蠻部彙考

職方典第六百四十八卷

石柱宣撫司部彙考

石柱宣撫司建置沿革考

禹貢梁州之域春秋爲巴國界戰國爲楚巫郡

地秦屬黔中郡漢置牂牁郡晉析爲夜郎郡後

周置施州唐改清江郡宋時蠻酋大蟲虎什用

授鎮國上將軍銅牌鐵印石柱安撫司大使元

改石柱軍民府尋陞石柱軍民安撫使司後以

生彝作耗爲定虎什用獲受賞改陞石柱軍民

宣撫使司明玉珍僭據以先納牌印授石柱安

撫司明洪武七年安撫使馬克用出降天年陞

石柱宣撫管轄土民世襲隸重慶衛屬川東道

皇清裁重慶衛隸重慶府

總志

總志

石柱宣撫司疆域考

東至黔江縣界一百七十里

西至酃都縣界一百七十里

南至武陵縣界一百七十里

北至忠州界二百一十里

東西廣二百七十里南北袤二百九十里自司

治至省城二千三百九十里至

京師六千八十里

舊志山連黔播地接荆湘內處土民外鎮諸洞

石柱宣撫司山川考

鳳凰山 在治西北二百五十里形如飛鳳

馬頭山 在治西北二百四十里山頂有馬王

廟

大峰門山 在治南一百五十里兩崖壁立中

通人行

萬聚山 在治北一百里衆山環聚回合

石涼傘山 在治東北一百四十里形如張蓋

斑布山 在治西南二百四十里色如斑布

鼓樓山 在治東南一百里山頂舊有鼓樓

倚天山 高挿雲霄上有普賢道場久經荒廢

俗稱方斗山

石柱山

清水潭 在治西北二十里其水四時臺澈

龍潭 在治西四百里相傳潭有龍潛

三江溪 在治東北二十里三江水會合

總志

石柱宣撫司公署考

總志

司治 明洪武初宣撫馬克用建

石柱宣撫司田賦考

府志

原額糧五十八石四斗五升

隨印糧田九石七斗

今見在糧六十八石一斗五升每斗折銀六分五釐四毫

見折徵糧銀四十四兩五錢七分一釐

石柱宣撫司風俗考

總志

僻居彝落習尚質野人有巴漢蠻彝之殊音地

乃石多土少之瘠壤伐木燒畬以種五穀

石柱宣撫司祠廟考

總志

韓瑛生祠 宋景定中瑛爲守平彝寇全民命

民立生祠祀之

寺觀附

普安寺 在治北

常清觀 在治東

石柱宣撫司物產考

總志

黑鉛

鹿皮

石柱宣撫司古蹟考

司志

古樓寺 相傳自宋時建屢經兵火止存遺跡

邑梅洞長官司司部彙考

邑梅洞長官司建置沿革考

總志

禹貢梁州之域秦漢唐宋沿革悉同西陽元爲

佛鄉洞明玉珍據蜀以本洞置邑梅沿邊洞軍

民府明洪武初革軍民府仍爲邑梅洞八年改

設長官司隸西陽宣撫司永樂初改隸重慶衛

屬川東道

皇清裁重慶衛隸重慶府

邑梅洞長官司疆域考

總志

東至湖廣鎮溪千戶所界七十里

西至貴州烏羅長官司界二十里

南至平頭著可長官司界一百里

北至酉陽宣撫司界一百三十里

自司治至省城一千一百三十里至

京師六千八十里

東西廣九十里南北袤二百三十里

形勝附

舊志鎮諸洞之要衝接五溪之流派左連荆楚

之襟裾右通貴州之喉吭

邑梅洞長官司山川考

總志

壽山 在治西南六里茂林奇木屹立霄漢常有烟霧蒼翠四時不變

黃牛山 在治東三里前代土官楊四舟高殿

始自貴州烏羅過此山見土地膏腴宜於耕稼

因喜槌黃牛以賽神

韭山 在治南八里昔有人遺韭種於山頂韭

長一丈餘四時茂盛民多食之

鼎柱山 在治西北五里二山齊聳如鼎足

擎圍山 在治西北四里四圍峭壁摩雲漢

凱過河 在治西北十里源自烏單三洋溪流

出會買賽河注入辰州大江傍有凱于寨行者

於此過渡

地澄溪 在治西南十五里溪水清澈可鑒毛

髮

遵岫溪 在治西十五里溪水屈曲緣山西流

邑梅洞長官司公署考

總志

邑梅洞司治 向東明洪武中楊金鳳創業

邑梅洞長官司田賦考

府志

原額秋糧四十四石內除養廉秋糧四石今見

在熟糧四十石每斗折徵銀四分二釐五毫見

折徵銀一十七兩

邑梅洞長官司風俗考

總志

舊志語異蠻音衣穿短布用木浪槽而為白漚

苦蒿水而代鹽婚姻以牛隻為等病疾以巫覡

為醫

邑梅洞長官司祠廟考

總志

川主廟 在治南五里

寺觀未載

邑梅洞長官司物產考

總志

白鵬

書眉

五味子

厚朴

邑梅洞長官司古蹟考

總志

福泉山廣濟堂 司治北一里明洪武初楊金

奉出粟濟饑是堂適成因名

地壩副長官司部彙考

地壩副長官司田賦考

府志

明原額秋糧七十二石內除養廉秋糧五石拋

荒秋糧二十一石七斗

皇清見在熟糧四十五石三斗每斗折銀四分

見折徵糧一十八兩一錢二分

四川諸蠻部彙考

晉

穆帝永和二年李勢亂蜀始有獠患

按晉書穆帝本紀不載 按晉書李勢載記勢誅李奕大赦境內改年嘉寧初蜀土無獠至此始從山而出北至犍為梓潼布在山谷十餘萬落不可禁制大為百姓之患勢既驕吝而性愛財色常殺人而取其妻荒淫不恤國事夷獠叛亂軍守離缺境宇日蹙

按續博物志寧國論云蜀中本無獠犍為德陽山谷洞中攘攘而出轉轉漸大自為夫婦而益多夫土乾則生蚤地濕則生蚊積穀則生蠹腐肉則生蛆蛆化為蠅蠅又自生蛆蛆又生蠅豈有窮乎

北魏

世宗正始 年獠王趙清荆入寇梁州刺史羊祉擊走之

按魏書世宗本紀不載 按魏書獠本傳獠者蓋南蠻之別種自漢中達於邛笮川洞之間所在皆有種類甚多散居山谷略無氏族之別又無名字所生男女唯以長幼次第呼之其丈夫稱阿暮阿段婦人阿夷阿等之類皆語之次第稱謂也依樹積木以居其上名曰干蘭干蘭大小隨其家口之數往往推一長者為王亦不能遠相統攝父死則子繼若中國之貴族也獠王各有鼓角一雙使其子弟自吹擊之好相殺害多不敢遠行能臥水底持刀刺魚其口嚼食並

鼻飲死者豎棺而埋之性同禽獸至於忿怒父子不相避惟手有兵刃者先殺之若殺其父走避求得一狗以謝其母母得狗謝不復嫌恨若報怨相攻擊必殺而食之平常劫掠取猪狗而已親戚比鄰指授相賣被賣者號哭不服逃竄避之乃將買人捕逐指若亡叛獲便縛之但經被縛者即服為賤隸不敢稱良矣亡失兒女一哭便止不復追思惟執盾持矛不識弓矢用竹為簫羣聚鼓之以為音節能為細布色至鮮淨大狗一頭買一生口其俗畏鬼神尤尚淫祀所殺之人美鬢髻者必剝其面皮籠之於竹及燥號之曰鬼鼓舞祀之以求福利至有賣其昆季妻奴盡者乃自賣以供祭焉鑄銅為器大口寬腹名曰銅鑿既薄且輕易於熟食建國中李勢在蜀諸獠始出巴西渠川廣漢陽安資中攻破郡縣為益州大患勢內外受敵所以亡也自桓溫破蜀之後力不能制又蜀人東流山險之地多空獠遂挾山傍谷與夏人參居者頗輸租賦在深山者仍不為編戶蕭衍梁益二州歲歲伐獠以自裨潤公私頗藉為利正始中夏侯道遷舉漢中內附世宗遣尚書邢巒為梁益二州刺史以鎮之近夏人者安堵樂業在山谷者不敢為寇後以羊祉為梁州傳豎眼為益州祉性酷虐不得物情蕭衍輔國將軍范季旭與獠王趙清荆率眾屯孝子谷社遣統軍魏胡擊走之世宗 年立巴州以統諸獠又立隆城鎮所統獠戶

按魏書世宗本紀不載 按魏書獠本傳後蕭衍寧朔將軍姜曰復擁夷獠入屯南城梁州人王法慶與之通謀眾屯於固門川羊祉遣征虜將軍討破之傳豎眼施恩布信大得獠和後以元法僧代豎眼為益州法僧在任貪殘獠遂反叛勾引蕭衍軍圍逼晉壽朝廷憂之以豎眼先得物情復令乘傳往撫獠豎眼至莫不欣然拜迎道路於是而定及元恆元千真相繼為梁州並無德績諸獠苦之其後朝廷以梁益二州控攝險遠乃立巴州以統諸獠後以巴曾嚴始欣為刺史又立隆城鎮所統獠二十萬戶彼謂北獠歲輸租布又與外人交通貿易巴州生獠並皆不順其諸頭王每於時節謁見刺史而已肅宗孝昌 年梁益二州遣將攻巴州執始欣斬蕭玩以傳臺表為刺史州

按魏書肅宗本紀不載 按魏書獠本傳孝昌初諸獠以始欣貪暴相率反叛攻圍巴州山南行臺勉論即時散罷自是獠諸頭王相率詣行臺者相繼于建厚勞賚之始欣見中國多事又失彼心慮獲罪譴時蕭衍南梁州刺史陰子春扇惑邊陲始欣謀將南叛始欣族子懣時為隆城鎮將密知之嚴設邏候遂禽蕭衍使人并封始欣詔書鐵券刀劍衣冠之屬表送行臺于建乃啓以鎮為南梁州懣為刺史發使執始欣囚於南鄭遇子建見代梁州刺史傳豎眼仍為行臺豎眼久病其子敬紹納始欣重賂使得還州始欣乃起眾攻愷屠滅之據城南叛蕭衍將蕭

玩率衆援接時梁益二州並遣將討之攻陷巴州執始欣遂大破玩軍及斬玩以傳臺表爲刺史後元羅在梁州爲使陷自此遂絕恭帝三年開府陸騰討陵州獠破之

按魏書恭帝本紀不載 按周書獠本傳魏恭帝三年陵州木龍獠反詔開府陸騰討破之俘斬萬五千人

周

武帝保定二年陸騰攻獠拔鐵山三城降之

按周書本紀不載 按周書獠本傳保定二年鐵山獠又反抄斷江路陸騰復攻拔其三城虜獲三千人降其種三萬落

天和三年梁州恆稜獠叛總管長史趙文表討降之

按周書本紀不載 按周書獠本傳天和三年梁州恆稜獠叛總管長史趙文表討之軍次巴州文表欲率衆徑進軍吏等曰此獠旅拒日久部衆甚彊討之者皆四面攻之以分其勢今若大軍直進不遣奇兵恐併力於我未可制勝文表曰往者既不能制之今須別爲進趣若四面遣兵則獠降走路絕理當相率以死拒戰如從一遁則吾得示威恩分遣使人以理曉諭爲惡者討之歸善者撫之善惡既分易爲經略事有變通奈何欲違前轍也文表遂以此意遍令軍中時有從軍熟獠多與恆稜親識即以實報之恆稜獠相與聚議猶豫之間文表軍已至其界獠中先有二路一路稍平一路極險俄有生獠

酋帥數人來見文表曰我恐官軍不悉山川請爲鄉導文表謂之曰此路寬平不須導引卿但先去好慰諭子弟也乃遣之文表謂其衆曰向者獠帥語吾從寬路而行必當設伏要我若從險路出其不虞獠衆自離散矣於是勒兵從險道進其有不通之處隨即治之乘高而望果見其伏兵獠既失計爭攜妻子退保險要文表頓軍大蓬山下示以禍福遂相率來降文表皆慰撫之仍徵其稅租無敢動者後除文表爲蓬州刺史又大得獠和

建德 年以李暉爲梁州總管治諸獠 按周書本紀不載 按周書獠本傳建德初李暉爲梁州總管諸獠亦並從附然其種類滋蔓保據巖壑依林走險若履平地雖屢加兵弗可窮討性又無知始同禽獸諸夷之中最難以道義招懷者也

隋 文帝仁壽 年以衛元爲資州刺史 按隋書衛元傳仁壽初山獠作亂出爲資州刺史以鎮撫之元既到官時獠攻圍大牢鎮元單騎造其營謂羣獠曰我是刺史衛天子詔安養汝等勿驚懼也諸賊莫敢動於是說以利害渠帥咸悅解兵而去前後歸附者十餘萬口高祖大悅賜緣二千餘匹除遂州總管仍令劍南安撫煬帝即位復徵爲衛尉卿更獠攀戀數百里不絕元曉之曰天子詔徵不可久住因與之訣夷獠各揮涕而去

唐 高祖武德 年烏武獠甯長眞遣使請降以爲欽州都督 按唐書高祖本紀不載 按唐書南蠻傳有飛頭獠者頭欲飛周項有痕如縷妻子共守之及夜如病頭忽亡比旦還又有烏武獠地多瘴毒中者不能飲藥故自鑿齒有甯氏世爲南平渠帥陳末以其帥猛力爲寧越太守陳亡自以爲與陳叔寶同日而生當代爲天子乃不入朝隋兵阻瘴不能進猛力死子長眞襲刺史及討林邑長眞出兵攻其後又率部落數千從征遼東煬帝召爲鴻臚卿授安撫大使遣還又以其族人甯宣爲合浦太守隋亂皆以地附蕭銑長眞部越兵攻丘和於交趾者也武德初以寧越蠻林之地降自是交愛數州始通高祖授長眞欽州都督甯宣亦遣使請降未報而卒以其子純爲廉州刺史族人道明爲南越州刺史 按西陽雜俎獠在牂牁其婦人七月生子死則豎棺埋之

武德六年烏武獠長眞獻大珠 按唐書本紀不載 按唐書南蠻傳六年長眞獻大珠昆州刺史沈遜融州刺史歐陽世普象州刺史秦元覽亦獻筒布高祖以道遠勞人皆不受道明與高州首領馮瑄談殿城據南越州反攻姜州甯純以兵援之 武德八年長眞陷封山縣昌州刺史龐孝恭擒擊暄等走之

按唐書本紀不載 按唐書南蠻傳云云

武德九年獠酋長真死子據襲詔遣官諭降之

按唐書本紀不載 按唐書南蠻傳明年道明

爲州人所殺未幾長真死子據襲刺史馮暄談

殿阻兵相掠羣臣請擊之太宗不許遣員外散

騎常侍章叔詣員外散騎侍郎李公淹持節宣

諭暄等與溪洞首領皆降南方遂定

太宗貞觀三年南平獠遣使內款

按唐書本紀不載 按唐書南蠻傳南平獠東

距智州南屬渝州西接南州北涪州戶四千餘

多瘴癘山有毒草沙虱蝮蛇人樓居梯而上名

爲千欄婦人橫布二幅穿中貫其首號曰通裙

美髮髻垂於後竹筒三寸斜穿其耳貴者飾以

珠瑤俗女多男少婦人任役婚法女先以貨求

男貧者無以嫁則賣爲婢男子左衽露髮徒跣

其王姓朱氏號劍荔王貞觀三年遣使內款以

其地隸渝州

貞觀 年益州獠反詔撫之

按唐書本紀不載 按唐書南蠻傳大抵劍南

諸獠武德貞觀間數寇暴州縣者不一巴州山

獠王多馨叛梁州都督龐玉梟其首又破餘黨

符陽白石二縣獠其後眉州獠反益州行臺郭

行方大破之未幾又被洪雅二州獠俘男女五

千口是歲益州獠亦反都督實軌請擊之太宗

報曰獠依山險當拊以恩信脅之以兵威豈爲

人父母意耶

貞觀七年八月辛未東西玉洞獠寇邊以右屯

衛大將軍張士貴爲龔州道行軍總管討之獠

平 按唐書本紀云云 按唐書南蠻傳貞觀七年

東西玉洞獠反以右屯衛大將軍張士貴爲龔

州道行軍總管平之

貞觀八年正月辛丑張士貴及獠戰敗之

按唐書本紀云云 按唐書南蠻傳不載

貞觀十二年巫州鈞州明州壁州諸獠相繼叛

皆討平之

按唐書本紀貞觀十二年二月甲子巫州獠反

夔州都督齊善行敗之十月乙未鈞州山獠反

桂州都督張寶德敗之十一月己巳明州山獠

反交州都督李道彥敗之十二月辛巳壁州山

獠反右武侯將軍上官懷仁討之 按唐書南

蠻傳十二年巫州獠叛夔州都督齊善行擊破

之俘男女三千餘口鈞州獠反桂州都督張寶

德討平之明州山獠又叛交州都督李道彥擊

走之是歲巴洋集壁四州山獠叛攻巴州遣右

武侯將軍上官懷仁破之於壁州擄男女萬餘

明年遂平

貞觀十四年三月羅寶二州獠反廣州總管党

仁弘敗之

按唐書本紀云云 按唐書南蠻傳十四年羅

寶諸獠叛以廣州都督党仁弘爲寶州道行軍

總管擊之擄男女七千餘人太宗再伐高麗爲

船劍南諸獠皆半役雅瑛眉三州獠不堪其擾

相率叛詔發龍右峽兵二萬以茂州都督張士

貴爲雅州道行軍總管與右衛將軍梁建方平

之 高宗永徽元年十二月庚午瑛州獠寇邊梓州

都督謝萬歲死之

按唐書本紀云云 按唐書南蠻傳高宗初瑛

州獠叛梓州都督謝萬歲死州刺史謝法典黔

州都督李孟嘗討之萬歲法典入洞招慰遇害

顯慶三年羅寶生獠酋領多胡桑率衆內附

按唐書本紀不載 按唐書南蠻傳云云

儀鳳元年正月丁卯納州獠寇邊

按唐書本紀云云 按唐書南蠻傳上元末納

州獠叛寇故茂都掌二縣殺吏民焚廩舍詔黔

州都督發兵擊之按上元三年十一月改元儀鳳

代宗大曆二年秋桂州獠反

按唐書本紀云云 按唐書南蠻傳不載

德宗貞元 年嘉州生獠爲亂西川節度使韋

阜討平之

按唐書本紀不載 按唐書南蠻傳貞元中嘉

州殺山縣婆龍川生獠酋領甫枳兄弟誘生蠻

爲亂剽居人西川節度使韋阜斬之招其首領

男子等出降或謂增柵束凌界以守阜不從曰

無戎而城害所生也獠亦自是不擾境

宣宗大中 年羣獠叛刺史劉成師及節度使

柳仲郢降之

按唐書本紀不載 按唐書南蠻傳戎瀘間有

葛獠居依山谷林菁踰數百里俗喜叛州縣撫

視不至必合黨數千人持排而戰奉酋帥爲王

號曰募能出入前後植旗大中末昌瀘二州刺史貪奢以弱緝及羊疆僚市米麥一斛得直不及半羣僚訴曰當爲賊取死耳刺史召二小吏榜之曰皆爾屬爲之非吾過僚相視大笑遂叛立酋長始艾爲王踰梓潼所過焚剽刺史劉成師誘降其黨斬首領七十餘人餘衆遁至東川節度使柳仲郢諭降之始艾稽首請罪仲郢賞遺之

明

代宗景泰元年高珙筠戎諸夷反都指揮周貴等擊破之

按總志景泰元年正月高珙筠戎夷人並起聲言漢人每年公差下砦徵糧害我我當出報遂縛公差於樹殺之各攻本縣屠長軍劫慶符江安納溪燒廬舍恣殺掠江南諸縣俱成赤地事聞遣僉都御史李匡監察御史劉瀚經制其事時盛暑地多疫癘士卒死者甚衆匡瀚俱嬰疾斃卒匡尋愈遣都指揮周貴等破酋前昔乖等砦俘斬數百賊舍米粟負財物入深箐大軍圍之削木皮以食餓死者甚衆餘乃乞降

英宗天順五年命總兵許貴征戎縣諸夷

按總志五年戎縣夷連年流劫奏遣總兵官許貴討平之

憲宗成化元年侍讀周洪謨請設都掌土官以統諸夷不果行

按總志成化元年戎縣都掌夷頻歲入寇遣都御史汪浩都督芮成征之侍讀周洪謨上疏請

於都掌縣九姓司設長官使砦主自擇素所信服者命爲土官下兵部議行時浩在成都成在叙州知戎縣漢民不欲彝人割置土官乃不用本縣勸報惟名鄉縣吏會導參議王禮等詣都掌諸砦諭以設官之意諸夷大悅首二百人詣叙州見成謝成幅之而賞以布令還戎縣以俟尋遣人報浩會奏謂都掌等前大壩三處宜設三長官司令諸夷自擇大首領三人爲長官次首領三十四人爲冠帶把事協贊土官分理各砦疏入方議鑄印九月汪浩至戎縣其漢民不欲置土官者以甘言啖浩謂成所招諸酋難授以官終不能禁其劫掠此皆梟雄一可當百宜乘機除之則餘孽皆庸劣不足慮也浩不知其詐遂決意欲殺之合諸酋來迎謁浩論之曰朝廷與官多可招三千蠻民來我即與諸酋果糜至既入謁即閉門浩帳下壯士皆露刃環列時諸酋自納款之後久釋兵革皆俯聽命浩厲聲責之諸夷叩首請罪露刃者皆前殺二百七十餘人一夷躍起奪衛士刀刺殺二人而後死浩使人報成成曰是成所招者已與公會奏矣奈何殺之猶預數日不得已與浩合奏夷始雖歸降終則異志且欲伏兵敵殺官軍不得已調大軍勦之斬首若干破砦若干朝議亦遂疑既而諸砦餘黨赴貴州總兵僑降都指揮丁寶等出迎之夷人伏兵四起官軍五十餘衆皆沒又聲言欲寇四川浩等聞之夜奔長寧還成都時官軍夜行迷道人馬墮溪谷死者不可勝計

衆賊追浩等不及乃攻長寧於城下言曰是爾周侍讀使都御史誘殺我父兄務盡殺一城人逆聞戎縣人乘虛搗巢乃解圍去時貴州兵屯金鷄池四川兵屯戎縣兩軍堅壁不出夷人由其間循江南直抵納溪合江如履無人之境諸縣官民士庶皆露次江北賊居江安買家砦掠合江等縣人畜無算時三司以成浩等既奏賊宜勦不宜撫故勞餉供軍既不能勦又不能撫乃以事聞朝命如可撫仍撫之於是夷人遂聽命使夷首十二人赴京貢馬十二銅鼓一具乞仍設土官但畏浩等不敢言枉殺父兄事浩等欲實前奏終不與設官夷人益恨復肆抄掠三年兵部尚書程信等平諸夷

按總志三年遣總兵官襄城伯李瑾兵部尚書程信等率兵討諸夷十二月大軍至芮城由戎縣進都御史陳宜參將吳經由芒部進都指揮韓忠由普水腦進貴州總兵吳榮爲左哨由李子關進汪浩督僉將辛用爲右哨由渡船鋪進大軍前後斬首千餘級俘賊屬四百口還所擄男女百餘獲銅鼓十七牛馬器械無算燒賊巢二百餘砦諸賊既平程信等奏改大壩爲太平置長官司舉永寧土人黃鎮爲長官於渡船鋪置瀘州衛舉僉事嚴正爲副使韓忠爲都督僉事充參將守川貴地方六年之間賴以寧謐武宗正德十年葛魁與夷人普法惡煽亂尋伏誅

按總志初葛魁夷人普法惡與夷女米浪通生

子假稱浪爲王母子爲彌勒佛惡爲天官潛刻符印造旗劍集焚猊苗猊等夷各給符印一張使佩之又作諸幻妄謀爲不軌夷人愚惑傾心事之至十年十二月吏部與筠連縣流民蘇衝等爭田有隙屢訴不直惡衆忿誘之復離屠殺數百人於是諸夷舉俱叛衆幾萬人攻城堡劫財殺人焚廬舍僭僞號事聞上命巡撫馬昊總兵吳坤調成都等衛官軍二千酉陽天全土軍五千馬湖羅細五百巴通新達榮榮等縣鄉勇一萬征之七月昊令土巡檢安宇招撫白水江四十八寨來降十月昊督都司張麟杜琮西從筠路坤督都司曹昱知縣步梁等東從珙路又命通判趙文振監烏蒙東川軍南從本路刻期夾攻昊自高縣兼程抵上羅計堡時巡撫熊相代江良貴攝紀功亦星馳至敘互相淬厲破落崖川山洞貓兒山洞雞爪山火龍響黃溝等寨又併攻青山寨不下乃視旁近之確丘坡高峻略與寨等營以逼賊二十一日取峯崖寨

普法惡敗走涪州鄉勇皮邦興追斬之十二年普法惡餘黨復亂兵備田荆統兵平之按總志十二年惡餘黨推阿尚爲主拒守取磨底等寨三日趙文振取大井壩擒首惡矜子阿設者過賊黨悉平俘斬三千餘其墜崖溺水與民之死於賊者不可勝計五月阿尚等來降鄉兵邀功殺之量田官復增額糧奪降者之田以授他人衆心危懼流民謝文義等乘機煽惑聚衆三千餘人九月攻圍筠連縣守禦官望風奔潰署印訓導李詔竭力拒守賊乃還御史盧雍令知府陸芸招撫賊黨乃降十一月復攻筠連兵備田荆統兵適至平之

神宗萬曆元年巡撫四川都御史會省吾平九絲蠻按總志嘉靖以來戎蠻負險屢肆劫掠敘州瀘州江安納溪俱罹荼毒之慘蠻中桀酋阿大阿二方三等俱僭王號雄據九絲城勢甚猖獗萬曆元年巡撫都御史會省吾聲罪請討詔許之於是公率左右布政羅瑤馮成能參政王官用參議沈伯龍副使李江僉事周思充總兵劉顯起廢總兵郭成安大朝參將張澤等如敘州仗節督師大徵土漢兵益以募卒共十四萬有奇悉隸總兵劉顯以副使李江監軍江建議先攻凌霄城次都都寨先剪其兩翼然後進攻九絲顯從之五月拔凌霄城六月拔都都寨八月進逼九絲九絲峻絕天險諸夷殊死拒不得下官軍亦以仰攻爲難江請省吾下令土漢官兵先登九絲者爲上功諸軍聞令思奮莫得重賞會天雨霧浹旬把總吳鯨土舍楊王宗購死士夜半銜枚腰絙上未明斬關徑薄蠻所蠻驚懼不知所出自相紛拏又五路兵並進衝擊蠻頭路蹂藉死無算九絲遂平先後下蠻寨六十有奇燔營舍六千所擒斬俘獲四千六百有奇擒酋王三十六招安三千六百拓地四百里獲銅鼓九十三面省吾又請改戎縣爲興文即內官寨列雉爲城名曰建武設總兵兵備僉事坐鎮之

隸以安邊同知一守備司一坐營司一守禦千戶所一儒學一其他阨塞悉設堡守禦官兵則自瀘州衛中前二所徙置焉

欽定古今圖書集成方輿彙編職方典

第六百四十九卷目錄

江南總部彙考一

江南建置沿革考

江南疆域考 有圖 形勝附

江南星野考

江南封建考

江南戶口考

江南田賦考 屯丁附 鹽法附

職方典第六百四十九卷

江南總部彙考一

江南建置沿革考

通志

江南疆土括江淮南北淮以南古東南荒服禹貢揚州之域淮北域於徐豫周爲宋魯吳楚徐舒沈皖鄆廬蓼六巢桐蕭焦霍蓓宿舒庸舒鳩鍾離鍾吾州來偃陽諸國地而春秋吳爲大後屬越戰國屬楚秦罷侯置守分天下爲三十六郡其在揚者爲鄆九江會稽在徐者爲鄆鄆鄆泗水薛郡在豫者爲碭郡潁川漢懲秦弊復建諸侯初封韓信爲楚王信誅分其地爲二彭城東海薛郡屬楚王交下邳會稽臨淮屬荆王賈後屬吳王濞漢敗國除更爲江都國英布爲淮南王布誅而九江廬江地屬淮南王長其後率國除爲郡縣武帝時置十三部刺史不常所治而江南郡邑屬揚徐豫三部東漢分會稽爲吳郡更潁川爲汝南置彭城沛下邳爲國廣陵爲郡三國屬吳丹泗潁亳彭城皆屬魏晉以廣

陵丹陽宣城新安毘陵吳郡廬江屬揚彭城下邳東海臨淮鄆郡屬徐其後以淮南爲徐州而淮陰海陽隸焉劉宋揚州屬郡五丹陽吳郡淮南宣城新安徐州屬郡八南東海南鄆郡晉陵義興南蘭陵臨淮淮陰南彭城徐州屬郡七沛郡下邳東海淮陽濟陰北齊除鍾離南兗州屬郡六廣陵海陵山陽南沛北淮北下邳南豫州屬郡六歷陽南譙廬江南汝陰南梁晉熙豫州屬郡一梁郡南齊增設州四冀豫北兗北徐增設郡四臨江盱眙沛北東海梁陳因之北魏元嘉以後夾淮立徐揚北揚海合淮諸州皆兵爭置鎮廢置靡常地號紛更不可勝紀隋受宇文之禪先有江北屬徐豫揚者郡十二曰彭城鄆郡東海下邳曰汝陰譙曰江都鍾離淮南廬江同安歷陽迄平陳而丹陽五郡盡入版圖既而改郡爲州所稱蘇常揚廬壽潁亳及今因之其將宣熙歆暫稱即易大業旋復稱郡唐分天下爲十道江南道二昇蘇常潤爲東宣歙池爲西揚楚源和壽廬舒爲淮南宋毫泗濠宿海爲河南唐末藩鎮分立節度使五代江左統於南唐江北併于周偏據可不詳宋制府州軍雜置江寧寧國太平歙池廣德江南東路領之平江常州嘉興鎮江兩浙西路領之淮南東路州十日揚毫宿楚海泰泗濠眞通軍五曰高郵安東招信淮安清河淮南西路府二曰壽春安慶州三日廬和濠軍二日六安無爲惟徐州本隸山東西路爲武寧軍爲碭郡南渡後邳州屬縣四

海州屬縣六及壽潁毫宿泗五州並入于金以壽潁等屬南京路餘皆隸山東元以行中書省分轄諸道江浙行省內江南諸道行御史臺屬路四集慶太平池州廣德江東建康道屬路二寧國徽州江南浙西道屬路三平江常州鎮江府一松江州一江陰河南江北行省內江北淮東道屬路二揚州淮安滁屬揚州府一高郵淮西北道屬路三廬州安慶和屬廬其潁州及二縣隸汝寧府者宿亳二州及二縣邳州並三縣與徐州同隸歸德府者統轄於河南江北道明改集慶路爲應天府隨以金陵爲京師改知府爲應天府尹凡所領安慶蘇州松江常州鎮江徽州寧國池州太平廬州鳳陽淮安揚州十三府滁和廣德徐四州直隸焉以原附歸德汝寧之四州九縣分隸鳳陽淮安並徐州亦從河南來屬永樂北遷南稱陪京府及直隸州訖無增省弘治中增置屬州一太倉後增縣四高淳青浦靖江霍丘又設京外衛共八十二皇清順治二年平定江南改京置省以應天爲江寧府置江南承宣布政使司提刑按察使司使皆駐省城暨十八年分右布政使駐蘇州江寧蘇州松江常州鎮江五府康熙三年以江省刑名務繁

詔設安徽按察使于安慶領安慶徽州寧國太平池州廬州鳳陽七府及滁和廣德三州而江寧按察使領江寧蘇州松江常州鎮江淮安揚州七府及徐州駐省城如故五年以淮安揚州二府